

ամէն ցաւի կորայ կու գրէ ի վերայ մահճին,
 թէ զի՛նչ կերակուր տացեն: Եւ ամէն շաբաթ
 տալաքն կու ըլանայ, կ'ածիլէ եւ պէտ կ'առնէ: ²¹⁰
 Եւ յորժամ ողջանայ՝ հանեն ի նմանէ զայն
 զգեստն, տան նմա զի՛րն եւ ասեն. Անմեղա-
 գիր ըեր, եղբայր, քեզ աւելի հարկիք պիտէր,
 երթ խաղաղութեամբ եւ յիշեա զմեզ յաղօթս
 քո: Այսչափ սէր, գութ եւ բարերարութիւն ²¹⁵
 կ'առնեն, դեռ կ'ասեն. մի՛ մեղադրեր:

ՍԱՆԹԱ ԹՐԻՆԻԿԱ

Եւ կայր եկեղեցի մի այլ ուխտաւորաց՝
 Սանթայ Թրինիգայ, մեծ եւ փառաւոր, զի
 որչափ հիւր եւ ուխտաւորք գան, անդ երեք
 օր պիտի հաց ուտեն: Եւ ունի երկայն սե- ²²⁰
 ղանատեղ մի, Ուզուն չարչուի նման, ուր
 հազար, երկու հազար մարդ կու նստի. ապա
 ամէն զատիկի հինգ, վեց հազար հոգի անդ
 կերակրի. եւ չկայ եկեղեցի կամ վանք, որ
 ամէն օր հաց չի ելանէ: ²²⁵

ԲԱՐՈՒՑԻՆԻ

Ամէն վանք երեքհարիւր, հինգհարիւր,
 ութհարիւր հարեղայ կայ: Ապա ազգ մի հա-
 բեղայք կան ի մէջ նոցա՝ քան զամենայնն
 առաւել խստակրօն, աստուածահաճոյ, սուրբ
 եւ առաքինի. նոքա բնաւ չունին վանս ի քա- ⁵
 ղաքի, այլ ի դուրս, բոկոտն եւ հոլանի ա-
 ռանց շապկի, շալ միայն ունելով, չունան